

See <https://www.canonlaw.info/canonlawcomp.htm>

- Francis (reg. 2013-), m.p. *De concordia inter Codices* (31 mai 2016), AAS 108 (2016) 602-606. ▪ Latin on-line [here](#); Eng. on-line [here](#). Summary: Changes Western canon law so as to bring about uniformity in matters involving Eastern Catholics. Cites: CIC 0111, 0112, 0383, 0535, 0868, 1108, 1109, 1111, 1112, 1116, 1127 / CCEO 0039, 0040, 0193.

CIC 0111. § 1. Ecclesiae latinae per receptum baptismum adscribitur filius parentum, qui ad eam pertinent vel, si alteruter ad eam non pertineat, ambo concordi voluntate optaverint ut proles in Ecclesia latina baptizaretur; quodsi concors voluntas desit, Ecclesiae *rituali* ad quam pater pertinet adscribitur.

§ 2. Quilibet baptizandus qui quartum decimum aetatis annum expleverit, libere potest eligere ut in Ecclesia latina vel in alia Ecclesia rituali sui iuris baptizetur; quo in casu, ipse ad eam Ecclesiam pertinet quam elegerit.

CIC 0112. § 1. Post receptum baptismum, alii Ecclesiae rituali sui iuris ascribuntur:

1° qui licentiam ab Apostolica Sede obtinuerit;

2° coniux qui, in matrimonio ineundo vel eo durante, ad Ecclesiam *ritualem* sui iuris alterius coniugis se transire declaraverit; matrimonio autem soluto, libere potest ad latinam Ecclesiam redire;

3° filii eorum, de quibus in nn. 1 et 2, ante decimum quartum aetatis annum completum itemque, in matrimonio mixto, filii partis catholicae quae ad aliam Ecclesiam *ritualem* legitime transierit; adepta vero hac aetate, iidem possunt ad latinam Ecclesiam redire.

§ 2. Mos, quamvis diuturnus, sacramenta secundum ritum alius Ecclesiae sui iuris recipiendi, non secumfert adscriptionem eidem Ecclesiae.

De concordia 0111. § 1. Ecclesiae latinae per receptum baptismum adscribitur filius parentum, qui ad eam pertinent vel, si alteruter ad eam non pertineat, ambo concordi voluntate optaverint ut proles in Ecclesia latina baptizaretur; quodsi concors voluntas desit, Ecclesiae **sui iuris** ad quam pater pertinet adscribitur.

§ 2. Si vero unus tantum ex parentibus sit catholicus, Ecclesiae ad quam hic parens catholicus pertinet adscribitur.

§ 3. Quilibet baptizandus qui quartum decimum aetatis annum expleverit, libere potest eligere ut in Ecclesia latina vel in alia Ecclesia sui iuris baptizetur; quo in casu, ipse ad eam Ecclesiam pertinet quam elegerit.

De concordia 0112. § 1. Post receptum baptismum, alii Ecclesiae sui iuris ascribuntur:

1° qui licentiam ab Apostolica Sede obtinuerit;

2° coniux qui, in matrimonio ineundo vel eo durante, ad Ecclesiam **sui iuris** alterius coniugis se transire declaraverit; matrimonio autem soluto, libere potest ad latinam Ecclesiam redire;

3° filii eorum, de quibus in nn. 1 et 2, ante decimum quartum aetatis annum completum itemque, in matrimonio mixto, filii partis catholicae quae ad aliam Ecclesiam **sui iuris** legitime transierit; adepta vero hac aetate, iidem possunt ad latinam Ecclesiam redire.

§ 2. Mos, quamvis diuturnus, sacramenta secundum ritum alius Ecclesiae sui iuris recipiendi, non secumfert adscriptionem eidem Ecclesiae.

CIC 0535.

§ 1. [*Sicut provisus.*]

§ 2. In libro baptizatorum adnotentur quoque confirmatio necnon quae statum canonicum christifidelium, ratione matrimonii, salvo quidem praescripto can. 1133, ratione adoptionis, ratione suscepti ordinis sacri, professionis perpetuae in instituto religioso emissae *necnon mutati ritus*; eaeque adnotationes in documento accepti baptismi semper referantur.

§ 3. [*Sicut provisus.*]

§ 4. [*Sicut provisus.*]

§ 5. [*Sicut provisus.*]

CIC 0868.

§ 1. [*Sicut provisus.*]

§ 2. [*Sicut provisus.*]

§ 3. Omnis transitus ad aliam Ecclesiam sui iuris vim habet a momento declarationis factae coram eiusdem Ecclesiae Ordinario loci vel parrocho proprio aut sacerdote ab alterutro delegato et duobus testibus, nisi rescriptum Sedis Apostolicae aliud ferat; et in libro baptizatorum adnotetur.

De concordia 0535.

§ 1. [*Nulla mutatio.*]

§ 2. In libro baptizatorum adnotentur quoque **adscriptio Ecclesiae sui iuris vel ad aliam transitus**, necnon confirmatio, **item** quae **pertinent ad** statum canonicum christifidelium, ratione matrimonii, salvo quidem praescripto can. 1133, ratione adoptionis, ratione suscepti ordinis sacri, **necnon** professionis perpetuae in instituto religioso emissae; eaeque adnotationes in documento accepti baptismi semper referantur.

§ 3. [*Nulla mutatio.*]

§ 4. [*Nulla mutatio.*]

§ 5. [*Nulla mutatio.*]

De concordia 0868.

§ 1. [*Nulla mutatio.*]

§ 2. [*Nulla mutatio.*]

§ 3. Infans christianorum non catholicorum licite baptizatur, si parentes aut unus saltem eorum aut is, qui legitime eorundem locum tenet, id petunt et si eis corporaliter aut moraliter impossibile sit accedere ad ministrum proprium.

CIC 1108.

§ 1. [*Sicut provisus.*]

§ 2. [*Sicut provisus.*]

CIC 1109. Loci Ordinarius et parochus, nisi per sententiam vel per decretum fuerint excommunicati vel interdicti vel suspensi ab officio aut tales declarati, vi officii, intra fines sui territorii, valide matrimoniis assistunt non tantum subditorum, sed etiam non subditorum, dummodo eorum alterutra sit *ritus latini*.

CIC 1111. § 1. Loci Ordinarius et parochus, quamdiu valide officio funguntur, possunt facultatem intra fines sui territorii matrimoniis assistendi, etiam generalem, sacerdotibus et diaconis delegare.

§ 2. [*Sicut provisus.*]

CIC 1112. § 1. Ubi desunt sacerdotes et diaconi, potest Episcopus dioecesanus, praevisio voto favorabili Episcoporum conferentiae et obtenta licentia Sanctae Sedis, delegare laicos, qui matrimoniis assistant.

§ 2. [*Sicut provisus.*]

De concordia 1108.

§ 1. [*Nulla mutatio.*]

§ 2. [*Nulla mutatio.*]

§ 3. Solus sacerdos valide assistit matrimonio inter partes orientales vel inter partem latinam et partem orientalem sive catholicam sive non catholicam.

De concordia 1109. Loci Ordinarius et parochus, nisi per sententiam vel per decretum fuerint excommunicati vel interdicti vel suspensi ab officio aut tales declarati, vi officii, intra fines sui territorii, valide matrimoniis assistunt non tantum subditorum, sed etiam, dummodo alterutra **saltem pars** sit **adscripta Ecclesiae latinae**, non subditorum.

De concordia 1111. § 1. Loci Ordinarius et parochus, quamdiu valide officio funguntur, possunt facultatem intra fines sui territorii matrimoniis assistendi, etiam generalem, sacerdotibus et diaconis delegare, **firmiter tamen eo quod praescribit can. 1108 § 3.**

§ 2. [*Nulla mutatio.*]

De concordia 1112. § 1. Ubi desunt sacerdotes et diaconi, potest Episcopus dioecesanus, praevisio voto favorabili Episcoporum conferentiae et obtenta licentia Sanctae Sedis, delegare laicos, qui matrimoniis assistant, **firmiter praescripto can. 1108 § 3.**

§ 2. [*Nulla mutatio.*]

CIC 1116.

§ 1. [*Sicut provisus.*]

§ 2. [*Sicut provisus.*]

CIC 1127. § 1. Ad formam quod attinet in matrimonio mixto adhibendam, serventur praescripta can. 1108; si tamen pars catholica matrimonium contrahit cum parte non catholica ritus orientalis, forma canonica celebrationis servanda est ad liceitatem tantum; ad validitatem autem requiritur interventus *ministri sacri*, servatis aliis de iure servandis.

§ 2. [*Sicut provisus.*]

§ 3. [*Sicut provisus.*]

De concordia 1116.

§ 1. [*Nulla mutatio.*]

§ 2. [*Nulla mutatio.*]

§ 3. In iisdem rerum adiunctis, de quibus in § 1, nn. 1 et 2, Ordinarius loci cuilibet sacerdoti catholico facultatem conferre potest matrimonium benedicendi christifidelium Ecclesiarum orientalium quae plenam cum Ecclesia catholica communionem non habeantsi sponte id petant, et dummodo nihil validae vel licitae celebrationi matrimonii obstet. Idem sacerdos, semper necessaria cum prudentia, auctoritatem competentem Ecclesiae non catholicae, cuius interest, de re certiore faciat.

De concordia 1127. § 1. Ad formam quod attinet in matrimonio mixto adhibendam, serventur praescripta can. 1108; si tamen pars catholica matrimonium contrahit cum parte non catholica ritus orientalis, forma canonica celebrationis servanda est ad liceitatem tantum; ad validitatem autem requirituri interventus **sacerdotis**, servatis aliis de iure servandis.

§ 2. [*Nulla mutatio.*]

§ 3. [*Nulla mutatio.*]